

Paite - Hotdamna Laisiangthou - Salvation Scriptures

Efesate 2:2 Tuate sung ah hiai leitung nuntak dan ngeina zuiin leh, huihkhoa-a thunei kumpipa, tu huna thumangloute sunga sempa' kha deihna bangin na nungta uhi.

Mathai 6:10 Na kumpigam hong tung hen. Na deiham vantunga kihih bangin, leitung ah koute hon hihsakin.

Luka 22:42 Pa aw, na deiham ahieh leh, hiai nou kei apan lakhia in. Ahihhangin, kei deiham hilouin, nang' deihna bang hizaw hen, a chi hi.

Johan 16:7-9 Ahihhangin, noute thutak kon hilh ahi: Ka paikhiak noute adinga hoihzaw ahi. Kei paikhe kei leng, tua Panpihpa noute kianga hong tung lou ding ahi. Ka paikhiak chianga amah noute kianga hon sawl ding ka hi. 8 Amah hong tun chiangin, khelhna thu ahte, diktatna thu ahte, thukhenna thu ahte, leitung khuavannuai mawh a tangsak ding hi. 9 Khelhna thu-a mawh a tansak nading san bel, mite'n kei hon umlou uh a hih man ahi.

2 Timothi 2:10 Tua ahieh manin, teeltuamte hangin bangteng ka thuak teitei hi. Amaute'n zong, Khrist Jesu-a om hotdamna, Tangtawn thupina tawh a ngah sam nadingun ka thuak hi.

Romte 15:20,21 Khrist a kitheih nailouhna muna tangthupha gen ka tup ahi ngitngit hi. Tuachi louin zaw, midang' suangphum tunga lam ka hi kha kha ding hi. 21 Ama' thu a kihilh louhnate'n mu ding uh a, a za ngeinailoute'n theisiam ding uhi, chi-a na kigelh bangin hih ka tum zaw hi.

Nasepte 2:36,37 Tua bang ahieh manin, Israel inkawte khempeuh in hiai theitel un: Pathian in khrosa na kilhluppa uh hiai Jesu, Toupa leh Khrist-in a bawlta, a chi hi. 37 Mipite'n hiai thu a zak tak-un, a lungtang uh sut bangin a na a, Peter leh sawltaklian dangte kiang ah: Sanggamte aw, koute'n bang hihta ding ka hi ua? a chi uhi.

Hebrute 4:2 Ahang bel, amaute kianga kigenta bangin, eite kiang ah zong tangthupha a kigenta hi. Ahihhangin, amaute'n thu' a zak pen uh, upna tawh kithuaha saang lou uh a hih manin, amaute adingin a phatuam kei hi.

Jeremia 24:7 Kei Tangtawn Toupa ka hi, chih hon theih nading uh lungtang amaute ka pe ding. Amaute ka mite ahi ding uh a, kei a Pathian uh ka hi ding. Ahang bel, a lungtang khempeuh utawh ka kianga hong kik ding uh

hiven, chi hi.

Nasepte 16:14 Tua thu ngaikhetete laka numei khat' min Ludia ahi. Amah bel Thuatira khaw mi, puan sandupa sumsin mi, Pathian bemi ahi. Paul' thugen ngaihsak dingin Toupa'n ama' lungtang a honsak a,

Mathai 13:14,15 Kamsang Isai in a na genkholhsa, amaute tunga tangtung ahi ve. Ama'n: Za gige ding uchin a, ahihhanganga theihhsiam ngeilou ding hi uteh. Mu gige ding uchin a, ahihhanganga Muchian ngeilou ding hi uteh. a na chih. **15** Ahang bel, hiai mite' lungtang kheengta a, bila za lou phial uh a, mitsi uhi. Tua hi kei leh, mitin mu ding uh a, bilin za ding uh a, lungtangin thehsiam ding uh a, lunghei ding uh a, ke'n a maute na damsak ding hi'ng. a na chi hi.

Isai 6:9,10 Ama'n: Kuan inla, hiai mite kiang ah: Za gige unla, ahihhangin thehsiam ngei kei un; Mu gige unla, ahihhangin muchian ngei kei un, chi in. **10** Hiai mite' lungtang kheengsak in; a bil uh ngongsak inla, a mit uh sisak in. Tuachi louin zaw, mitin mu ding uh a, bilin za ding uh a, lungtangin thehsiam ding uh a, lungheiin damsakin om kha ding uhi, chi hi, a chi hi.

Marka 4:11,12 Ama'n amaute kiang ah: Pathian kumpigam thusim kiseel theih theihna noute kianga piak ahi a, ahihhangin, pawlam mite kiang ah bel thil bangkim gentehnate zanga kigen ahi. **12** Tuachia, mu gige napi-a, theitel ngeilou ding, za gige napi-a theihhsiam ngeilou ding uhi. Tua hi kei leh, lunghei ding uh a, ngaihdam hi ding uhi, chih a tangtunna hi ding hi.

Johan 12:39,40 Tua bang ahih manin, amaute'n um thei lou uh ahi. Isai mah in mun dang khat ah: **40** Ama'n amaute' mitte tawsak a, amaute' lungtang kheengsak hi. Tua ahih mana, mita lah mu thei lou, lungtanga lah theithei lou uhi. Tua hi kei leh, amaute lunghei ding uh a, ke'n na damsak ding hi'ng, a na chi hi.

Romte 11:7,8 Bangchi ahita dia? Israel in lah a zon ngah lou, ahihhanganga telte'n ngah. Adangte khauha taakgawpta ahi ve ua. **8** Pathian in tuni donga, amaute lusukna pia hi. Muh theihlauh nading mitte pia a, zak theihlauhna ding bilte pia hi, chi-a na kigelh bangbang ahi.

2 Thesalonikate 2:10,11 diktatlouhna chitengin a mangthang lellelte a khem ding. Tua hihmanthat lellelte bel, hotdam ahih nading uh thutak it ding a nial man ua hihmanthat ahi uhi. **11** Amaute'n thutak a it louh manun, Pathian in amaute tung ah nakpitaka khem-zawha omna a tungsak ding a, tua atak hilou, Setan nasepnate a taksang ding uhi.

Mathai 13:18-23 Tu'n buhchi thehpa tawh kisai gentehna khiakna na ngai un: **19** Mi kuapeuh in kumpigam thu a zak chianga, a theihhsiam kei leh,

giloupa hong pai a, a lungtanga kipawi pen a lakmangsak hi. Hiai bel lampi geia buhchi a kiakna mi ahi. 20 Suangtung lei pan buchi kiakna mi ahih leh, thu za a, kipaktaka sang pah mi ahi. 21 Ahihhangin, ama'n zung kai lou ahih manin, tomchik kia a pang zou hi. Ahang bel, thu hanga gimthuakna hiam, bawlsiatna hiam hong tun takin a pukmang pah hi. 22 Lou lingnei laka buhchi kiakna mi ahih leh, thu za a, hiai leitung kikhual lunggimna leh hauhna khemhatna in thu a deplupna mi ahi a, gah a suah kei hi. 23 Lei hoiha buhchi kiakna mi ahih leh, thu za a, thei siam a, gahsuah mi ahi. A leh 100 bang, a leh 60 bang, a hihkei leh, a leh 30 bang a pha hi, a chi hi.

2 Korinthte 3:15,16 Tuni dongin, Mosi laibute a sim chiangun, tua khuhna in a lungtangte uh a khuh lai hi. 16 Ahihhangin, kuapeuh Toupa lama a kihei chiangun, Toupa'n tua khuhna a lamang hi.

Isai 30:28 A nakna hu lah luitui leet, ngawng chiang tum bang hi ding hi. Hihmanthatna lawhpi-in namte haih ding hi. Mite kam ah kamkaihna sikbah bulh ding a, tua in amaute lampialsak ding hi.

Hosia 11:3-7 Kei mahmah in Efraim pai kisinsak ing a, a baan ua len hi'ng. Ahihhanga, amaute damsak ka hi, chih thei lou uhi. 4 Mihing' chitna leh siamna khaua, amaute kai ing a, itna khaua khih hi'ng. A ngawng uapan hakkol sutkhia kei hi'ng a, kunsuk ing a, amaute vaak hi'ng. 5 Kei lama hong kik nop louh man ua, Efraim, Aigupta gama kik lou ding hia? Asuria kumpi-a nei lou ding uhia? 6 A khawpite uah namsau leng ding a, a kongpi kaihna zawlte sattan ding hi. Amau' lunggelte hanga namsau in amaute negai ding hi. 7 Ka mite'n hon kiheisan sawm teitei uh hiven, Tungungpen sam mah le uh, ama'ns amaute tawisang het lou ding hi.

Nasepte 26:18 Zentelte' mit vaaksak ding leh, mial apan vaak lam ngasak ding leh, Setan' thuneihna apan Pathian lam ngasak dingin amaute lak ah kon sawl hi. Tua bel, amaute'n khelhna ngaihdamna leh, keimah upna hanga sehtuam siangthoute laka goutan a ngah nading uh ahi, a chi hi.

2 Timothi 2:24-26 Toupa' sila adingin, mi tawh kitot a kilawm kei hi. Mi chih tunga migi, sinsak thei, lamet zawhna nei ahi zaw ding ahi. 25 Amah kalhte, nunnemtakin thuhilh leh, Pathian in amaute kisikin a lungheisak ding a, thutak theihna ah a pii ding hi. 26 Tuachi-in, dawimangpa'n ama' deiham hih dinga a matna apan amaute hong kiphawkin, dawimangpa' thaang a peel ding uhi.

Kilakna 3:17-19 Ka hau a, hauhna ka lam a, taaksap ka nei kei, na chi. Ahihhangin, genthei, hehpihuai, tasam, mittaw leh vuaktang na hih lam na kiphawk kei hi. 18 Nong hauh theih nadingin, puansilh ngou, tua baan

ah, na mit vak nading mitlou, kei apan lei dingin kon thuhilh hi. 19 Ken ka itte ka taai a, ka thunun hi. Tua bang ahih manin, phatuam ngai inla, kisikin lunghei in.

2 Korinthte 7:10 Pathian deiham lungkhamna in kisika lungheina a tun a, kisika lungheina in hotdamna a tun a, tua lah a kisikhuai het kei hi. Ahihhangin, leitung dana lungkhamna in zaw sihna a tun hi.

1 Kumpipate 18:37 Hon dawng in, Tangtawn Toupa aw, hiai mite'n Tangtawn Toupa nang, Pathian na hi, chih leh amaute lungtang kiheisak na hi, chih a theih nadingun hon dawng in, a chi hi.

2 Korinthte 4:4 Tulai leitung pathian in a umlou mite' lungsim mit a tawsak a, Pathian batpih ngeingei ahipa Khrist' thupina tangthupha vak tangkhia mu theilou dingin amaute a koih-a ahi.

Luka 8:11-15 Hiai gentehna khiakna hiai ahi: Buhchi bel Pathian thu ahi. 12 Lamdunga a kiakna lei ahih leh, thu zate, ahihanga dawimangpa'n a lungtang ua pan tua thu a lakmangsakte ahi. Tua hi kei leh, a um ding uh a, Pathian in amaute a hondam ding hi. 13 Suangtung lei pana a kiakna lei ahih leh, kipahpiha thu saang, ahihanga, zung kailoute ahi uh. Tomkha sung a um uh a, ze-etna hun hong tun chiangin a pukmang uhi. 14 Lou lingnei laka a kiakna lei ahih leh, thu za, ahihanga hiai damsung lungzinnate, hauhnate leh nopsaknate' deplupte ahi. Amaute a piching kei uhi. 15 Lei hoiha a kiakna lei bel, thu za lungtang hoih leh dikte ahi. Amaute'n thu a lenkip uh a, lungduaitakin gah a suah zel uhi.

Nasepte 15:11 Tanglai i pu i pate mah bangin, eite zong Toupa Jesu Khrist' hehpihna pansana hotdama om i hi, chih i um hi, a chi hi.

Romte 8:13 Ahang bel, pianken khelhna sa' lungsim banga na nuntak uleh, na si ding uhi. Ahihhangin, pianken khelhna sa' thilhihte Kha pansana na hihlup zel uleh bel na hing ding uhi.

Pastor T. John Franklin
Church of Salvation, Healing, and Deliverance
COS-HAD.org